

Na osnovu Odluke Vlade FBiH o proglašenju stanje nesreće uzrokovane pojavom koronavirusa na području Federacije Bosne i Hercegovine („Službene novine FBiH“, broj 21/20), člana 11. Privremene statutarne odluke Grada Srebrenik („Službeni glasnik Grada Srebrenik“, broj 1/19), Odluke o proglašenju nesreće uzrokovane pojavom Koronavirusa („Službeni glasnik Grada Srebrenik“, broj 3/20), Budžeta Grada Srebrenik za 2020. godinu te Odluke o izvršavanju Budžeta Grada Srebrenik za 2020. godinu („Službeni glasnik Grada Srebrenik“, broj 3/20), Gradonačelnik Grada Srebrenik donosi:

ODLUKU

o subvenciji poslovnim subjektima na području grada Srebrenik za ublažavanje posljedica uzrokovanih stanjem nesreće

I OPĆE ODREDBE

Član 1.

(Predmet Odluke)

Ovom Odlukom utvrđuju se izvori sredstava za subvenciju u cilju ublažavanja posljedica uzrokovanih proglašenjem stanja nesreće na području grada Srebrenik, oblik i namjena subvencije, korisnici subvencije, uslovi i postupak za dodjelu subvencije te izvještavanje o utrošku sredstava.

Član 2.

(Cilj Odluke)

Cilj donošenja Odluke je stavljanje u funkciju novčanih sredstava kao pomoći dodijeljenje u vidu subvencije za prevazilaženje posljedica nastalih kao rezultat pandemije koronavirusa.

Član 3.

(Značenje pojmova)

Pojmovi koji se koriste u ovoj Odluci imaju sljedeće značenje:

- a) **korisnici subvencije** u smislu ove Odluke su poslovni subjekti na području grada Srebrenik odnosno: pravna lica, izuzev javnih preduzeća, banaka i drugih finansijskih organizacija, priređivača igara na sreću, udruženja, javnih institucija, organa uprave, organa i jedinica lokalne samouprave, te fizička lica koja samostalno obavljaju registrovanu poslovnu djelatnost, a kojima je naredbama Federalnog štaba civilne zaštite zabranjeno obavljanje djelatnosti.
- b) **stanje nesreće** u smislu ove Odluke je vremenski period važenja Odluke o proglašenju stanja nesreće uzrokovane pojavom koronavirusa (COVID-19) na području Federacije Bosne i Hercegovine.

Član 4.

(Primjena Odluke)

Odredbe ove Odluke odnose se na sve korisnike subvencije koji ispunjavaju uslove propisane ovom Odlukom.

II IZVORI SREDSTAVA ZA SUBVENCIJU

Član 5.

(Izvori sredstava)

Sredstva za subvenciju korisnicima subvencije planirana su u Budžetu Grada Srebrenik za 2020. godinu - organizaciona klasifikacija 10 – ekonomski kod 613991-10: *Finansiranje kapitalnih infrastrukturnih projekata i pomoć u poduzimanju preventivnih mjera u borbi protiv COVID-19 i sanaciji posljedica* u ukupnom iznosu od 100.000 KM.

III OBLIK I NAMJENA SUBVENCije

Član 6.

(Oblik i namjena subvencije)

Raspoloživa sredstva iz člana 5. ove Odluke dijele se na način da se:

- 50% od ukupnog iznosa sredstava dodjeljuje korisnicima subvencije proporcionalno broju podnesenih zahtjeva/prijava koji ispunjavaju uslove shodno ovoj Odluci;
- 50% od ukupnog iznosa sredstava dodjeljuje u skladu sa brojem uposlenih korisnika subvencije pri čemu će korisnici subvencije sa deset i više uposlenih moći ostvariti pravo na maksimalno deset uposlenih.

Namjena subvencije odnosi se na pokriće troškova za obavljanje djelatnosti korisnika subvencije, nastalih za vrijeme trajanja stanja nesreće.

IV USLOVI I POSTUPAK ZA DODJELU SUBVENCije

Član 7.

(Uslovi za dodjelu subvencije)

Korisnik subvencije obavezan je ispunjavati sljedeće uslove:

- a) da ima sjedište, odnosno registrovanu poslovnu jedinicu na području grada Srebrenik, što se dokazuje kopijom izvoda iz sudskog registra za pravna lica ili rješenjem o registraciji od nadležnog gradskog/općinskog organa za fizička lica/obrtnici,
- b) da im je zabranjeno obavljanje djelatnosti Naredbom Federalnog štaba civilne zaštite, što se dokazuje kopijom obavještenja o razvrstavanju djelatnosti prema Klasifikaciji djelatnosti (izdato od strane Federalnog zavoda za statistiku – Kantonalni ured Tuzla),
- c) da na dan 30.04.2020. godine ima najmanje jednog zaposlenog.

Član 8.

(Postupak za dodjelu subvencije)

Subvencija se dodjeljuje na osnovu javnog poziva kojeg raspisuje Grad Srebrenik. Javni poziv će biti objavljen na gradskoj službenoj internet stranici www.srebrenik.ba, oglasnoj ploči i na lokalnim medijima.

Postupak za dodjelu subvencije će provoditi *Komisija za ocjenu prijava za odobravanje i dodjelu subvencije poslovnim subjektima na području grada Srebrenik za ublažavanje posljedica uzrokovanih stanjem nesreće* (u daljnjem tekstu: Komisija).

Komisija će razmotriti sve blagovremeno zaprimljene prijave po javnom pozivu, utvrditi ispunjenje uslova u skladu sa ovom Odlukom, utvrditi iznos subvencije po korisniku u skladu sa članom 6. ove Odluke, te dostaviti Gradonačelniku prijedlog/listu korisnika za odobrenje subvencije.

Subvencija se odobrava zaključkom o isplati kojeg donosi Gradonačelnik.

V IZVJEŠTAVANJE

Član 9.

(Izveštaj o utrošku sredstava)

Korisnici subvencije obavezni su dodijeljena sredstva koristiti u skladu s namjenom iz člana 6. ove Odluke i dostaviti Gradu Srebrenik Izveštaj o utrošku odobrenih sredstava sa pratećom finansijskom dokumentacijom u roku od 60 dana od dana doznačavanja sredstava na transakcijski račun korisnika subvencije.


VI PRIJELAZNE I ZAVRŠNE ODREDBE

Član 10.

(Stupanje na snagu)

Ova Odluka stupa na snagu narednog dana od dana donošenja, a objavit će se u Službenom glasniku Grada Srebrenik i na gradskoj službenoj internet stranici www.srebrenik.ba.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
-Gradonačelnik –
Broj: 07-480/2020.
Datum: 11.5.2020. godine



GRADONAČELNIK

dr. sci. Nihad Omerović